



ՎԱՀԱՆ ՏԵՐՅԱՆ

# Մթնշաղի անուրջներ



aegitas

# Տերյան Վահան Մթնշաղի անուրջներ

[http://www.litres.ru/pages/biblio\\_book/?art=24431318](http://www.litres.ru/pages/biblio_book/?art=24431318)

Մթնշաղի անուրջներ:

ISBN 9781772466973

## Аннотация

Մթնշաղի անուրջների մեջ մտնում է 79 բանաստեղծություն, որոնց մեջ կա 979 բառ եւ 4363 բառօգտագործում: ԵՄ բառը ամենաշատն է գործածված, քանի որ այն անհատական քնարերգության կարեւոր չափանիշ է, իսկ ԴՈՒ բառի շատ օգտագործված լինելը պայմանավորված է Տերյանի քնարերգության որոշակի առանձնահատկություններով՝ քնարական հերոսը միշտ դիմում է անորոշ, անհայտ, կամ որոշակի էակի: Տերյանը թախծոտ գրող է: Նրա բանաստեղծությունների մեջ միշտ նշմարվում է աղոտ թախիծը: Դա է ապացուցում նրա բանաստեղծությունների մեջ շատ անգամներ օգտագործված տխուր բառը եւ գրեթե չի հանդիպում դրան հակադարձող ուրախ բառը: Բացի այդ «Մթնշաղի անուրջներում» շատ է օգտագործվել լույս, ժպտալ բառերը, որոնք իրենց մեջ ունեն լավ տրամադրության, ուրախության տարրեր եւ թվում է, թե դրանք բանաստեղծություններում պետք է նպաստեն նման տրամադրությունների արտահայտմանը, սակայն այս բառերը հիմնականում գործածվում են որպես հակառակ տրամադրության խթանիչ: Օրինակ՝ Լույսն էր

մեռնում, օրը մթնում... Իմ մեջ մեռել է մի լույս արեգակ... Դուք լուռ ժպտում եք իմ ցավի վրա... եւ այլն: «Մթնշաղի անուրջներ»-ի մասին Ստեփան Զորյանը գրում է. «Վահան Տերյանն այն բախտավոր հեղինակներից էր, որոնք մի առավոտ զարթնում են հայտնի դարձած, եւ դա ոչ թե պատահականության բերումով, այլ շնորհիվ իրենց մեծ տաղանդի: Նրա առաջին իսկ գիրքը՝ ութսուն էջանոց «Մթնշաղի անուրջները», հռչակեց որպես բանաստեղծ եւ պատվավոր տեղ ապահովեց հայկական Պատնասում»:

# Содержание

ԷԼԵԳԻԱ	5
ԱՆԾԱՆՈԹ ԱՂՋԿԱՆ	6
ԵՐԳ	7
ՀՐԱԺԵՇՏ	8
ՑՆՈՐՔ	9
ՎԻՀԻ ԵԶԵՐՔԻՆ	10
ՄԹՆՇԱՂ	14
ԱՂՈԹՔ	15
ՇԻՐԱԿԻ ԴԱՇՏԵՐԻՑ	16
ԿԱՐՈՏ	18
ԱՆՋԱՏՄԱՆ ԵՐԳ	19
ՏԽՈՒՐ ԶՐՈՒՅՑ	20
ՀՐԱԺԵՇՏԻ ԽՈՍՔԵՐԻՑ	22
ՍԵՆՏԻՄԵՆՏԱԼ ԵՐԳ	23
ՏՈՂ	24
Конец ознакомительного фрагмента.	26

# Վահան Տերյան Մթնշաղի անուրջներ

## ԷԼԵԳԻԱ

Մեռնում է օրը: Իջավ թափանցիկ  
Մութի մանվածը դաշտերի վրա.  
Խաղաղ-անչար է, պայծառ գեղեցիկ,  
Անտրտունջ նինջը մահացող օրվա...

Պարզ ջրի վրա եղեգը հանդարտ  
Անդողոռջ կանգնած էլ չի շնջում,  
Լռին խոկում են երկինք, գետ ու արտ,  
Եվ ոչ մի շարժում, ու ոչ մի հնչյուն...

Ես կանգնած եմ լուռ, անչար է հոգիս,  
Թախսիծս խաղաղ անուրջի նման.  
Էլ չեմ անիծում ցավերը կյանքիս,  
Էլ չեմ տրտնջում վիճակիս ունայն...

# ԱՆԾԱՆՈՒ ԱՂԶԿԱՆ

Լույսն էր մեռնում, օրը մթնում.  
Մութը տնից տուն էր մտնում.  
Ես տեսա քեզ իմ ճամփի մոտ,  
Իմ մտերի՛ն, իմ անձանո՛թ:

Աղբյուրն անուշ հեքիաթի պես  
Իր լույս երգով ժպտում էր մեզ.  
Դու մոտեցար մեղմ, համրաքայլ,  
Որպես քնքուշ իրիկվա փայլ:

Անակնկալ բախտի նըման,  
Հայտնվեցիր պայծառ-անձայն.  
Անշատվեցինք համր ու հանդարտ,  
Կյանքի ճամփին մի ակնթա՛րթ...

# ԵՐԳ

Կուրծքը հեւ առած, հավքից թեւ առած, – ե՞րբ կըզա նա.  
Իմ սրտում սառած այս աշունը թաց – ե՞րբ կըզնա նա:

Իմ թախծոտ հոգին, ցավըս անմեկին կամոքե՞ նա,  
Իմ հիվանդ կրծքին, իմ արնոտ վերքին կըմոտենա՞...

Իմ թախծոտ հոգին, ցավըս անմեկին կամոքե՞ նա,  
Որ սիրտս ցաված, հոգիս բեզարած հանգստանա:

\* \* \*

Արդյոք կապրե՞ս սիրտըս մաշող կարոտը հեզ...  
Չարտասանված, սրտում թաղված երագներըս  
աստեղաշող

Արդյոք կապրե՞ս...  
Արդյոք կըզգա՞ս սիրտըս այրող սերը երագ...

Այն խոսքերը, այն երգերը, որ քեզ ասել ես չեմ կարող.  
Արդյոք կըզգա՞ս...

# ՀՐԱԺԵՇՏ

Դու գնում ես՝ չգիտեն ուր,  
Լուռ ու տխուր,  
Չեզ գունատվող աստղի նըման:

Ես գնում եմ տրտում-մենակ,  
Անժամանակ  
Ծաղկից ընկած թերթի նըման:

Դու գնում ես՝ չգիտեն ուր,  
Սրտակրտուր  
Լացրդ պահած իմ հայացքից:

Ես գնում եմ լուռ անտրտում,  
Բայց իմ սրտում  
Ցավ է անվերջ, մահո՛ւ կսկիծ...

# ՑՆՈՐՔ

Նա ուներ խորունկ երկնագույն աչքեր,  
Քնքուշ ու տրտում, որպես իրիկուն.  
Նա մի անձանոթ երկրի աղջիկ էր,  
Որ աղոթքի պես ապրեց իմ հոգում:

Նրա ժպիտը մեղմ էր ու դողդոջ,  
Որպես լուսնյակի ժպիտը տխուր.  
Նա չուներ խոցող թովչանքը կնոջ. —  
Նա մոտենում էր որպես քաղցր քույր...

Իմ հուշերի մեջ ամենից պայծառ,  
Իմ լքված սրտի լուսն հանգրվան,  
Քո՛ւյր իմ, դու չըկաս, քո՛ւյր իմ դու մեռար,  
Ու քեզ հետ հոգուս լույսերը մեռան...

# ՎԻՅԻ ԵԶԵՐՔԻՆ

Ունկնդիր եղա հողմի խենթ երգին,  
– Անամոք ցավի սրտմաշո՛ւկ նվագ.  
Կանգնած եմ մոայլ վիհի եզերքին,  
– Տրտում է հոգիս, հիվանդ ու մենակ...

Անվերջ մի ցավ է իմ սիրտը ճնշում,  
– Ես մոռացել եմ արեւի ուղին.  
Անուրջ օրերի լույսը չեմ հիշում,  
– Ինձ ո՞վ է մատնել այս մառախուղին...

Ունկնդիր եղա հողմի խենթ երգին.  
– Ես էլ եմ ուզում հեկեկալ անհագ.  
Կանգնած եմ մոայլ վիհի եզերքին,  
– Տրտում է հոգիս, հիվանդ ու մենակ...

\* \* \*

Իմ գերեզմանին դուք չընտեսնաք,  
Հարկավոր չէ ինձ ո՛չ ծաղիկ, ո՛չ սուգ.  
Հանկարծ կգարթնի ջերմ լալու փափագ,  
Սիրտս չի գտնի ոչ մի արտասուք:

Իմ գերեզմանը թող լինի հեռվում,  
Ուր մահացել են շուկ, երգ ու ձայն.  
Թող շուրջըս փովի անանց լռություն,  
Թող ինձ չըհիշեն, թող ինձ մոռանան:

Իմ գերեզմանին դուք չըմոտենաք,  
Թողեք, որ հանգչի իմ սիրտը հոգնած,  
Թողեք, որ լինեն հեռավոր, մենակ, —  
Չըզգամ, որ կա սե՛ր, ես ցնորք, ես լա՛ց...

\* \* \*

Չարտասանված տխուր խոսքեր,  
Որ դողում եք անպատասխան,  
Ես սիրում եմ ձեզ, տխուր խոսքեր,  
Ձեր թրթիռը կախարդական:

Խենթ հուզումի անուշ խոսքեր,  
Պաղ մարդոցից խորը պահված,  
Անշատման պես տխուր խոսքեր,  
Հոգուս լույսեր մթնշաղվա՛ծ...

Դուք այրում եք, սիրո խոսքեր,  
Կարոտիս պես սիրտըս մորմոք  
Ձեզ չի գգվի, տխուր խոսքեր,  
Տուրտ աշխարհում ո՛չ ոք, ո՛չ ոք...

Չարտասանված տխուր խոսքեր,  
Դուք չեք մեռել, դուք չե՛ք մեռնի,  
Դուք այրում եք, սիրո խոսքեր,  
Որպես խայթը սեւ եղեռնի...

\* \* \*

Ես սիրում եմ քո մեղավոր աչքերը խոր,  
Գիշերի պես խորհրդավոր.  
Քո մեղավոր, խորհրդավոր աչքերը մութ,  
Որպես թովիչ իրիկնամուտ:

Քո աչքերի անծայր ծովում մեղքն է դողում,  
Որպես գարնան սթնշաղում:  
Քո աչքերում կա մի քնքուշ բախտի վերհուշ,  
Արբեցումի ոսկե մշուշ:

Մոլորվածին անխոս կանչող փարոսի շող,  
Քո աչքերը հոգի տանջող:  
Ես սիրում եմ գգվող-անգութ աչքերըդ մութ,  
Որպես գարնան իրիկնամուտ:

\* \* \*

Քո աչքերի դեմ իմ աչքերը՝ կույր,  
Կա քո հոգու մեջ անթափանց մի սուրճ,  
Քո սուրճ հայացքում կա մի քնքուշ սուտ՝  
Քեզ միշտ թաքցնող մի նուրբ վարագույր...

Փակ են քո սրտի հեռուներն իմ դեմ,  
Հավետ քեզ կապված՝ քեզ օտար են ես.  
Երբ խենթ խնդությամբ փայփայում են քեզ՝  
Ե՛վ սիրում են քեզ, և՛ քեզ չըզիտեն:

Փակ են քո սրտի հեռուներն իմ դեմ,  
Քո աչքերի դեմ իմ աչքերը՝ կույր.  
Քո հոգու վրրա կա մի վարագույր, —  
Ո՞վ ես դու, ո՞վ ես, — բնավ չըզիտեն...

# ՄԹՆՇԱԳ

Ես սիրում եմ մթնշաղը նրբակերտ,  
Երբ ամեն ինչ երագում է հոգու հետ,  
Երբ ամեն ինչ, խորհրդավոր ու խոհուն,  
Ցրնորում է կապույտ մութի աշխարհում...  
Չըկա ոչ մի սահման դնող պայծառ շող,  
Աղմուկի բեռ, մարդկային դեմք սիրտ մաշող. —  
Հիվանդ սիրտըդ չի՛ տրտնջում, չի՛ ցավում,  
Որպես երագ մոռացումի անձավում.  
Եվ թվում է, որ անեզր է ամեն ինչ —  
Ու ողջ կյանքդ — մի անսահման քաղցր նինջ...

# ԱՂՈԹՔ

*Քո պայծառ գահի անհաս բարձունքից  
Սի՛ մերժիր սրտիս աղոթքը անբիծ ...*

*ՍՍՖՈ*

Ես ընկա անդունդները խավար,  
– Ին՛ գնո՛րք, նորից քեզ եմ կանչում.  
Մոռացա ուղիներըս պայծառ,  
Իմ սրտում դառը մութն է շնչում:  
Դու անմութ աշխարհում ես ապրում,  
Հիշի՛ր դու խավարում տանջվողին,  
Քո սրտում արևներ են վառվում,  
Արևիր սև կլանքիս մութ ուղին:  
Հավիտյան ինձ քո սերն է այրում,  
Դու լուսե՛ղ ... Ինձ խավարն է ճնշում:  
Ես մեռնում եմ այս մութ վիհերում...  
Հեռավո՛ր, քեզնից չեմ տրտնջում...

# ՇԻՐԱԿԻ ԴԱՇՏԵՐԻՑ

Աստղերն են ժպտում լուսեղեն նագով,  
Խաղաղ դաշտերը մութն է համբուրում.  
– Ես կախարդված եմ միշտ նույն երագով,  
Միշտ նույն ցնորքն է իմ սիրտը այրում:  
Մոտեցած երկնից աստղերը պայծառ  
Ժպտում են խաղաղ քո աչքերի պես. —  
– Իմ լքված սրտի կարոտը անծայր  
Ամեն ինչի մեջ որոնում է քեզ...

\* \* \*

Եվ մոռացված և անմոռաց հեքիաթներ,  
Լույս հնչյուններ, որ դողում են աշխարհում,  
Քնքուշ աստղեր, որ վառվում են ու մարում.  
– Կյա՛նքս, նա էլ մի լուսեղեն հեքիաթ էր...  
Ճառագայթներ, որ շողացին ու չկան,  
Մթնշաղի ուրվագծեր նրբահյուս.  
Կյա՛նքս, հեռվում անհայտ կորած մի հեզ լույս,  
Որ չի վառում ո՛չ անցյալը, ո՛չ ներկան:  
Չեռածավալ անհայտներում պահվտած  
Գալիք օրերն անհուն, անտես խավարում.  
– Կյանքս հավետ քեզ անձանոթ տաճարում

Կանթեղի պես առկայծում է քո դիմաց...

\* \* \*

Ինձ թաղեք, երբ կարմիր վերջալույսն է մարում.  
Երբ տխուր գգվանքով արեգակը մեռնող  
Սարերի արծաթե կատարներն է վառում,  
Երբ մթնում կորչում են ծով ու հող...  
Ինձ թաղեք, երբ տխուր մթնշաղն է իջնում,  
Երբ լռում են օրվա աղմուկները գվարթ,  
Երբ շողերն են մեռնում, ծաղիկները – ննջում,  
Երբ մթնում կորչում են լեռ ու արտ:  
Իմ շիրմին դակացող ծաղիկներ ցանեցեք,  
Որ խաղաղ ու հանդարտ մահանան.  
Ինձ անլաց թաղեցեք, ինձ անխոս թաղեցեք.  
Լռությո՛ւն, լռությո՛ւն, լռությո՛ւն անսահման...

# ԿԱՐՈՏ

Իմ անվերջ ճամփի տանջանքից հոգնած՝  
Ես ննջել էի ոսկեղեն արտում.

Ու ճշաց սիրտըս վայելքից անկարծ  
– Թվաց որ մեկը կանչում է տրտում...

Եվ ես արթնացա խնդության ցավից. —

Գիշերվա հովն էր լալիս դաշտերում,

Մութ հեռաստանն էր դժկամ նայում ինձ,

Մենակությունն էր քարի պես լռում...

# ԱՆՉԱՏՄԱՆ ԵՐԳ

Դու անհոգ նայեցիր իմ վրա  
Ու անցար քո խաղով կանացի.  
Ես քեզնից դատնացած հեռացա,  
Ես քեզնից հեռացա ու լացի...  
Իմ հոգին ծովերում անձանոթ —  
Մենավոր ու սուր մի նավակ,  
Մատնեցի փոթորկին աղմկոտ,  
Հուսաբեկ, թողած դեկ ու թիակ...  
Ինձ հեռվից լույս փարոս չի կանչում,  
Չի ժպտում ինձ խաղաղ հանգրվան.  
Միայն հողմն է տխուր շառաչում,  
Անթափանց մեզ-մշուշ է միայն...

## ՏԵՈՒՐ ՉՐՈՒՅՑ

Կապույտ երկնքի ոսկեղեն աստղե՛ր,  
Ձեր հեռվից դուք միշտ տեսնում եք նրան.  
Ասացե՛ք, արդյոք նա էլ թախծո՞ւմ էր,  
Արդյոք տրտո՞ւմ էր նա էլ ինձ նըման:  
Խորհրդագետնե՛ր, դուք տեսնում եք միշտ. —  
Արդյոք մենա՞կ էր նա էլ ինձ նըման,  
Թե ընկեր գտած ժպտում էր անվիշտ,  
Ե՛վ փայփայում էր, և՛ սիրում նրան:  
Խորհրդագետներ, դուք ժպտում եք լուռ,  
Դուք լուռ ժպտում եք իմ ցավի վրա. —  
Նա քեզ մոռացած՝ վաղուց ամենուր  
Ծաղրում է քո խենթ խոսքերը հիմա...

\* \* \*

Որպես ծաղիկն է անխոս գունատվում  
Տուրտ շրվաքի մեջ արևից հեռի,  
Այնպես թող սերը մեռնի իմ սրտում,  
Որ քաղցր կյանքիդ տխրանք չբերի...  
Ես լուռ կթաղեմ իմ ցավը միակ,  
Զվարթ կժպտամ բախտավորի պես, —  
Երբեք չեմ բանա սրտիս մութը փակ,

Երբեք չեն հայտնի իմ տանջանքը քեզ,  
Որ պայծառ ժպտաս կյանքի երեսին,  
Որ ոչ մի տրտունջ սիրտդ չհուզե,  
Որ չընտորես իմ ցավի մասին,  
Որ քո թունավոր խոսքը չըկասե...

\* \* \*

Կա խորհրդավոր մի հրրապուրանք  
Քո շարժումների անխոս գրույցում,  
Ինչ-որ օձային ինքնահիացում  
Եվ դեպի հողը ինչ-որ քամահրանք:  
Մի այլ երկրային երաժըշտության  
Ելևէջների պշրանքն են հիշում,  
Քո շարժումները աղոթք են շարժում,  
Քո շարժումները և՛ կան, և՛ չըկան...  
Երկրում են սնված, բայց ոչ երկրային  
Արբեցումներ են նոքա խոստանում,  
Մի այլ տանջանքի եղեն են տանում,  
Մատներով հոգիս շարքերի խաղին...

# ՀՐԱԺԵՇՏԻ ԽՈՍՔԵՐԻՑ

Ո՛չ տրտունջ, ո՛չ մրմունջ սգավոր,  
Հեռացի՛ր, մոռացի՛ր ինձ հավետ.  
Իմ ուղին միշտ մթին, մենավոր,  
Կրգնամ իմ դժկամ ցավի հետ:  
Իմ ճամփան՝ անվախճան մի գիշեր,  
Ինձ շոյող ոչ մի շող չի ժպտա. —  
Հեռացի՛ր, մոռացի՛ր, մի՛ հիշիր,  
Ինձ այդպես, քրոջ պես մի՛ գթա...  
Հուսաբեկ, մութ ու մեզ թող լինի,  
Իմ վերև թող արև չըխնդա.  
Լոկ երկունք, լոկ արցունք թող լինի,  
Ինձ այդպես, քրոջ պես մի՛ գթա...

# ՄԵՆՏԻՄԵՆՏԱԼ ԵՐԳ

Արդյոք հիշո՞ւմ ես. անտառ էր, առու...  
Հեքիաթի պես էր – երագի նման.  
Խաղաղ երեկոն խոսում էր անձայն,  
Արդյոք հիշո՞ւմ ես. – հեռո՛ւ էր, հեռո՛ւ...  
Արդյոք հիշո՞ւմ ես. երկիրը պայծառ  
Ժպտում էր սիրով հավիտենական.  
Գարունն էր երգում ձայնով դյութական,  
Արդյոք հիշո՞ւմ ես. առու էր, անտառ...

Արդյոք հիշո՞ւմ ես. գիշերն էր գալու,  
Հեքիաթի պես էր... Անտառ էր, առու...  
Արդյոք հիշո՞ւմ ես. հեռո՛ւ էր, հեռո՛ւ  
Կյա՛նք, տխուր հովիտ, հավիտյան լալու...

# ՏՈՂ

Արդյոք նորից երագնե՞րն են թափառում,  
Սիրո անուշ նվագնե՞րն են ինձ կանչում.  
– Դալուկ աշնան տխուր շողերն են մարում,  
Սարից իջնող աղբյուրներն են կարկաչում:

Ես լսում եմ հիացմունքի մի շշուկ,  
Արդյոք դո՞ւ ես նորից հողիս մեղմ հուզում.  
– Այն գիշերն է, այն հուշերն են տրտմաշուք,  
Այն աստղերն են ցուրտ երկնքում երագում:

Ես ընկած եմ անձայր դաշտում միայնակ,  
Երագնե՛րըս, երագնե՛րըս, որ անցան.  
Արդյոք դո՞ւ ես գիշերի պե՜ս հերարձակ,  
Գիշերի պես խորհրդավոր, դյութական.  
– Դալուկ աշնան մերկ անտառն է շառաչում,  
Լույս հուշերի վտակներն են կարկաչում...

\* \* \*

Դժկամ նայում են ժայռերը խոժոռ,  
Տխուր խաղում են ալիքները ժիր. —  
Ընդունի՛ր հոգիս մուրը, մենավոր, —

Վերջին աղոթքիս խոսքը մի՛ մերժիր:

Սողում են դանդաղ օրերը անձիր,  
Կորած Է մթնում մոլոր իմ ուղին. —  
Քնքուշ խոսքերով թախիժըս ցրիր,  
Անխոս ամոքիր ցաված իմ հոգին:

Մի անմեռ ցավ կա երկրում այս տխուր,  
Մի ցուրտ, հոգեմաշ հուսահատություն  
Կորցըրած հավետ և՛ երագ, և՛ հուր,  
Ես վերջին անգամ քե՛զ են աղոթում:

Դժկամ նայում են ժայռերը խոժոռ.

# Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.